



Broj: 01- /24
Sarajevo: 24.09.2024.godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajućeg

PRIMLJENO:	24-09-2024		
Organizaciona jedinica	Klasifikaciona oznaka	Redni broj	Broj prijave
01	50-1	1841	24

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23 i 50/24) postavljam zastupničko pitanje

VIJEĆU MINISTARA BOSNE I HERCEGOVINE:

Koje mjere i reforme planira Vijeće ministara Bosne i Hercegovine napraviti kako bi se katastrofalni demografski trendovi ublažili ili zaustavili, te planirate li u budućnosti uvođenje primjerice Registra stanovništva, kao temeljnog alata za donekle suvislo vođenje bilo kakve socijalne, zdravstvene, obrazovne, ekonomske ili demografske politike, u kojem bi se redovno ažurirali podaci između ostalog o iseljavanju, useljavanju, prirodnom priraštaju, ženama u fertilnoj dobi itd?

Obrazloženje

Bosna i Hercegovina je zemlja emigracije koja posljednjih nekoliko decenija kontinuirano bilježi smanjenje broja stanovnika, što se posebno očituje u posljednjih 15 godina. Stanovništvo Bosne i Hercegovine je na posljednjem službenom popisu 2013. godine iznosilo 3,5 miliona ljudi. Procjenjuje se da bi stanovništvo Bosne i Hercegovine sada moglo biti manje od 3 miliona. Trend iseljavanja radne snage iz Bosne i Hercegovine u EU je u porastu, sa porastom broja prvih boravišnih dozvola koje su članice EU izdale državljanima Bosne i Hercegovine (ako izuzmemo 2020. godinu gdje je ta brojka smanjena zbog pandemije COVID-19). Procjene migracija u Hrvatsku i Crnu Goru vjerovatno su podcijenjene u pogledu kružnih migracija, jer veliki broj privremenih radnika u građevinskom i turističkom sektoru radi u ovim zemljama tokom ljetne sezone, nakon čega se vraćaju u Bosnu i Hercegovinu. Unsko-sanski kanton je geografski blizu Hrvatske i Slovenije, tako da tradicionalno bilježi visoke stope migracija radne snage u ove dvije zemlje.

U jednoj skoroj studiji vršena je analiza prema kojoj se objavljuje da je neto emigracija u protekloj deceniji (2011. - 2019.) imala za posljedicu odlazak preko 400.000 građana. To je smanjenje za oko 13 % stanovništva. Smanjenje se uglavnom odnosi na mlađe i produktivnije generacije, što prosječno stanovništvo zemlje čini starijim. Broj traženih prvih dozvola po razlogu, duljini valjanosti i državljanstvu izdatih državljanima Bosne i Hercegovine, prema Eurostat EU je sljedeći:

Godina	2013	2018	2019	2020	2021	2022	2023
Broj prvih dozvola izdatih u zemljama EU	16.105	53.566	56.477	35.311	41.752	50.220	46.370

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti u roku od 30 dana od dana kada je pitanje dostavljeno onome kome je upućeno.


Trg BiH 1, 71000 Sarajevo, tel. +387 33 28 44 91, fax. +387 28 60 90
e-mail: elvisa.hodzic@parlament.ba

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona.

S poštovanjem,

ZASTUPNICA
PREDSTAVNIČKOG DOMA

Elvira Hodžić



Dostavljeno:

1. Naslovu,
2. a/a.